

國聞報

西曆一千八百九十年十二月十三號

禮拜日

河南新聞

姮娥奔

吉林新聞

東南新省

不相顧欲

外國新聞

至於此洵

以電代

者已有七

1

告白刊例

[illegible]

北洋一等學堂招考
海關道李鴻章局試如有
期晨八點鐘來堂考試
得觀望自誤
爲招考事照得本堂於本月念六日招考新生十五名是日由
堂於本月十三歲起十六歲止文理明順者務當先期來堂報名

華俄道勝銀行

本行面議可也此佈

正月十九日奉 上諭譚鍾麟等奏曰故知府遺愛在民懇恩准建專祠並將事蹟宣付史館一摺已故
追贈太僕寺卿廣東潮州府知府吳均由縣令荐擢郡守在潮州二十餘年治績昭著民懷遺愛着准其於
潮州府建立專祠並將忠貞堂改作吳公祠以昭祀典欽此

李散秩大臣裕興奏白誦議處並據實糾舉一摺據稱本月十七日該委散秩大臣因車夫爭道被志姓派來之人將該員毆傷并糾眾搶劫官司等語着步軍統領衙門查明辦理其自誦議處之處着該衙門定案聲明請旨并計同日奉 上諭步軍統領衙門

小孔即孔起濠董五兒即董振銳及供指之六兒小劉即劉保善等五名着交刑部嚴行審訊按律懲辦未獲之李六兒一犯仍着嚴緝務獲送部訊辦欽此

不爲之議論聞該信所云係論美總統麥公於治民一道未得其要政策家之末流也
 斯巴尼亞駐華盛頓公使底羅晤有一私信忽被古巴烈士竊去旋即刊印於紐約城中一時哄傳無

內一律繳清不然則去於中國兩方將子克有所事

西友述英日俄東方交涉情形
前有西友至館語大問曰貴報館於各國與中國交涉之事得信頗先論事頗實亦嘗聞近日英俄兩國
日本在東方交涉之實在情形乎余曰聞倫敦自英俄兩國

約略言之蓋自甲午以來日本始以保高麗爲名思欲振興高麗即以屏蔽二島而事與願左以至與中國衅戰勝之後日人得不償失而高麗內治外交之權又以操之過促轉漸漸折而入於俄人之手其隱得之地俄人復量旦之以籌者中國比日之所當慮也

英爲最大自俄人悉畢爾鐵路之役與而諸國談商務者議論爲之一變以爲此路也成則商賈之行役較之貨物皆將舍南下之輪舟而遵北行之鐵軌如是則太平洋之商利必爲俄人所奪然俄路右僅資一埠爲其輪路之盡頭水陸之接改則俄國之利必爲俄人所奪然俄路右僅資

其餘波猶未足招其大忌自上年德人突踞膠州而俄之兵船陸續寄碇大連灣旅順口一帶於是英之政府始則有力保揚子江之說再則有佔據舟山之議三則有為中國擔保五款三口通商演變路之謂窺其命意之所在亦無非慮東方交涉各國有一國之權過重勢過強則於諸國均有不利思有以均之平之而口然歐洲各國皆因之望風承旨變遷其議論遂起頗駭聽聞抑若丁戊之交俄日一戰必有戰事英必助日而俄必聯法德一縱一橫皆將大不利於中國無論孰為勝負而中國瓜分之禍即在目前西人之議論如此即華人之說稱識時務知外情者其操心慮慮亦莫不如此此乃無端而英船之來華者電令截止矣無端而調至北方之英船返棹香港矣無端而大連灣通商之議作為罷論矣東方大局抑若何之陰雲四布風雨驟至者倏忽之間又變而化日光天之景象其變幻情形真有令人不可思議者以余所聞近日倫敦消息英日俄三國在中高交涉之事皆之彼此懷嫌者現經妥為商議各不侵佔苟有利於諸國均之俄人之告英日我國將來在中國無論得何處口岸必作為通商之地夫英之所求於中國者亦如是而已矣無論中國許之與否英之利益則一也英既得其所求之利如願而償則又何樂與俄人之顯有違言而欲以干戈從事哉英既許俄矣則日本一國之力勢不能與俄法德二國相敵亦惟有降心下氣虛與委蛇俟數年之後海軍力量既足再圖與日之相見已耳夫武備愈修文化愈進之國則其慮患也愈詳而其決戰也愈緩蓋論今日海上之戰事無論與日本其成敗利鈍之數比權量力不能先事而預定即以英之水師雄視全球然不經戰陣者幾二十年其一旦從事於驚濤駭浪之中果否確有把握亦未敢一言斷也近且日俄二國之所商何事及如何辦理詳細情形尚未聞知但能不別生枝節則中國目前之戰禍似向可免然正宜及此陰雨既過之時細繆繆戶力圖自強以與諸國相抵制不然則與日亞東之禍則江吉三省水則遼渤一海恐終不免為他人逐鹿之場也

德報論俄船在旅順事 俄艦十二月十二號俄國東方報內載一條云德俄兩國在旅順地方近此利時國來電云渠尼客載東報論俄國水師在旅順過冬一事以俄國交涉而論並不為奇因俄人近在東亞細亞整頓水師非海參威一埠所能展布當中日有事之餘即注意於旅順步步先著從未放鬆蓋因滿洲鐵路日後須接連旅順以資盡善俄人深謀遠慮未雨綢繆實堪欽佩即俄人果久居旅順於德俄兩國商務無所損益況俄國入旅順在德俄兩國佔膠州之後益顯德俄交誼之密我國正應聯絡俄邦互相振作於東亞細亞也

天津本地新聞 書院甄別 ○問津二取兩書院每年二月初五日甄別生童刻據運署禮科請示於月之二十四二十五二十六等日牌示各生童來院報名填冊以便臨期考試云

憲修河堤 ○靜海縣監生田繩武等稟請籌款修築子牙河堤以保衛園田免致秋汛為患近已田縣尊經大令撥情分詳水利局憲查核施行矣

誣告宜懲 ○昨有韓李氏倩人昇其子韓國柱赴縣控告當經審驗供稱郭四欠伊錢五吊向索不給反將其子刃傷飭令作伴驗傷報稱傷痕甚顯係自殘姑念其婦女無知遂逐之去

劫案二誌 ○昨報紀海大道案生錢局被搶一節茲悉該鋪事續是夜適有事他出同夥亦往某戲園觀劇舖中只剩學徒二人正與鄰居某甲高談闊論忽聞一聲一徒倒地匪即爭先入室將所持洋槍緊對門外大路發聲不絕鄰近目擊情形驚怖欲死街旁所歇東洋車一時皆向北逃避是劫也該鋪計失去銀五百兩洋銀四百餘員洋藥兩包其學徒與某甲則以哀求得免前云刃傷一人乃傳聞之誤耳

籌畫經費 ○楊河口新設武備學堂每月應需經費銀一百兩向由練餉局籌撥支領近因該局餉項異常支絀得難發給而學堂又立有年所各學生所習操法及語言文字均學有成效未便遽行中止只得稟請上憲另籌經費開上憲已飭知准軍銀錢所按月籌款撥發今正月分經費銀兩即由准軍銀錢所請領矣

好賭失竊 ○開口胡某本小本營生前晚散市回家見其妻與鄰婦圍坐作葉子戲胡即趨嫌而出此其返也也已魚更四鐘見隔門洞開屋傍所置物件早被賊席捲一空妻猶與高乘烈精神百倍胡咄咄而入並不抱怨妻等亦不赴保甲局報案惟曰偷兒太狠真可謂思厚長者矣

細故與訟 ○馬家口高七日前代友人王鈞買搬指一隻士以物不見佳自向舖中退換舖掌以前後價值不符恐過手人作弊請其向高理論王遂至高處婉言問之高老羞成怒反以盛氣凌人王忿忿不能平當赴縣署控告云

鋪掌受賄 ○宮北恒益等錢鋪開張紀前報判經邑尊將各號鋪掌權紀姓周姓楊姓張姓等提訊嚴追荒帖款項因伊等一味支吾有心圖利遂各賞一百板仍交差管押

猝不及防 ○前日下午二點鐘時馬家口娘廟前有洋車二輛一自北至南一自南至北行如電馳兩不及避將北來之車撞翻車夫受有小傷幸彼此熟人不爭論惟有自說晦氣而已坐車者見形狀可憐給以紅帖一紙作為養傷之資即另乘一車而去

請認河堤 ○河間縣吳大令在道轅上稟據稱該縣河外東西堤身均形殘壞隣屆挑汛恐有不測可否勘修應請派員查驗不主臨時誤事云

領憑出京 ○霍山縣典史王少尉寶森前奉晚撫鄧中丞札委管解贖銀二萬四千一百五十八兩京投納刻已一一交清領憑來津候輪南下矣

府批照錄 ○鹽邑文童秦姓稟批據稟如果盡實捕役勾賊誠為地方之害俟行鹽山南皮兩縣查核覆實究虛坐兩即回籍聽候辦理可也

縣批錄要 ○天津縣人卜佑山稟批既經兩等出為調處寢息姑准諭飭值日原差撤票此批○李寶書稟批據稟已悉現據原差查明稟覆業經飭伊等迅速來案聽候堂訊爾即應靜候可耳此批○邢永蘭稟批稟悉然爾開設客店如果不樂居住女眷亦應尋言婉告何得遽來稟訟未免冒昧應不准理毋庸煩瀆原稟總道慎勿多事切切此批

京師新聞 鑿井便民 ○前門內花園呂祖廟附近一帶取水路遙居民甚形不便去年臘月間經陳司馬看定水源捐資鑿井以利民現聞是井業已告成井口甚為寬大一時地湧泉先者無不飲水思源頌司馬之盛德也

天恩優渥 ○蒙古各盟旗年班進京朝賀者循例賞給綢緞川資悉由戶部開發茲經理藩院造具蒙古土公應得各款數目分晰清冊咨行戶部以憑核辦云

一時之忿 ○前門外珠市口地方有王魏一姓因賬目轉輾一時性起互相毆打魏大吃其虧經旁觀勸散魏已鼻青眼腫血流狼籍旋赴衙署喊冤云

保定新聞 掌珠何在 ○省垣西門內某姓八歲小女前日在外閒走不知因何被人拐去家中候女未回急雇人四出找尋不知下落聞其母問卜求神終日啜泣夫誠能珠還合浦否也

庸醫被斥 ○南鄉某醫生軍號口金眼鹿懸壺市上夙以國手自命然踵門求診者殊為冷落其術之末精亦可概見日前有某姓延請至家診視女病該醫則言語塗糊毫不對證且油頭滑腦舉止輕浮家人見之憤極即拖倒在地掌頰交下該醫抱頭鼠竄而去一時聞者無不為之大快云

山東新聞 踏冰殞身 ○山左友人來書云前日宣城北城根有小孩十餘人在冰地上嬉戲彼此驅驟視者甚眾內有張姓小孩行走最疾不料薄冰將裂偶經足跡即斷一聲小孩墮入水內即報知其家率眾打撈杳無影蹤至天早始見在東岸無冰處浮屍於上家人哭泣埋葬之

竊兒被擒 ○省垣南鄉某舖前日晚間有竊賊數人自屋後而入店夥正一枕黃粱未之覺也該賊搜括多物意欲逃逸又恐出門路遇查夜兵丁致被搜獲乃復竊取店夥皮大袍皮馬褂著其衣服手持燈籠扮作店主模樣俟賊負物數包緩步而行巡防局見之果不盤詰少頃該舖因失物報案始知偵問所過者皆竊賊也趕率兵役追之而黃鶴高飛已不知去向矣

無妄之災 ○清苑縣城外某鎮小酒館前日有兩人入內小酌促膝談談頗雅趣座旁有甲乙丙三人飛盞豪飲醉眼朦朧不知因何起釁被拿此脚旁人無從勸解之知勢不能敵竟將桌上杯碟從空擲去正落在兩人頭上一則額間受傷流血一則幸而脫帽得免是禍二人自知理屈齊向兩人叩頭賠禮急購藥調敷雇車送之回家云